

Su Binu

Nuràgica terra famosa,
cun s'àiri serena,
de pàmpini prena,
ti rendit gentili e festosa.

Tra tanti bellesas,
gurdonis coloras
de Soli tui indoras
sa bingia e sa mesa.

Sa stiba mia est dòpia
dda càrrigu dònna di'
e bandu atzòpia atzòpia
de mengianu fintzas a meri.

Binu de Sardìnnia
a conca trìnnia,
mi fais su ballu
si in su cristallu
brillai ti bia,
po tui podia
cantai Orfeu.

Cantu gokus donas
bufau a frascu,
ddi neris Nascu o Malvasia,
sa sposa mia
Vernàcia bella
bantada stella,
cun su Muscau
e Cannonau,
cun su Girò.

Splendidu Nuragus
de suavis fragus,
cun Barberoni
in su cuponi,
ti timu pagu,
mancai imbriagu
no naru nou.

Mònica Alicanti
e Bovaleddu,
mancai fraitzeddu,
meda stimau,
fatu e cracau,
ddi pigu gustu
tastendi custu
licori santu
allirgu cantu
ca sardu seu